

**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**Ministarstvo za nauku, visoko obrazovanje i mlade**

**Broj: 02-04-43454-27.1/21**  
**Sarajevo, 13.01.2022.godine**

**POSLOVNIK O RADU**  
**Komisije za izbor i imenovanje predsjednika i članova**  
**Upravnog odbora Univerziteta u Sarajevu – ispred osnivača**

**Član 1.**

Ovim poslovnikom uređuje se način rada i odlučivanje Komisije za izbor i imenovanje predsjednika i članova Upravnog odbora Univerziteta u Sarajevu – ispred osnivača, imenovane Rješenjem Vlade Kantona Sarajevo broj: 02-04-43454-27/21 od 02.12.2021. godine (u daljem tekstu: Komisija).

**Član 2.**

Zadaci Komisije propisani su Zakonom o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), Odlukom o utvrđivanju postupka imenovanja članova Upravnog odbora Univerziteta u Sarajevu koje imenuje Vlada Kantona, početak i način rada, prava i obaveze, postupak razrješenja i druga pitanja bitna za zakonit rad i efikasno funkcionisanje Upravnog odbora Univerziteta u Sarajevu ("Službene novine Kantona Sarajevo", broj: 27/13 i 42/17) i Rješenjem Vlade Kantona Sarajevo broj: 02-04-43454-27/21 od 02.12.2021. godine.

**Član 3.**

(1) Sastanci Komisije se organiziraju u prostorijama Vlade Kantona Sarajevo, ul. Reisa Džemaludina Čauševića br. 1.

(2) U slučaju objektivne nemogućnosti fizičkog prisustva članova Komisije, sastanak se može održati elektronski, hibridno, putem telefona, e-maila, audio-video konferencije i korištenjem neke druge mobilne online aplikacije.

**Član 4.**

U slučaju spriječenosti predsjednice Komisije sjednice saziva i istim predsjedava član Komisije, predstavnik Ministarstva za nauku, visoko obrazovanje i mlade Kantona Sarajevo kojeg ovlasti predsjednica Komisije u svojstvu zamjenika predsjednika/ce.

**Član 5.**

Prije početka rada, članovi Komisije mogu podnijeti zahtjev za razrješenje Ministarstvu za nauku, visoko obrazovanje i mlade Kantona Sarajevo, a o zahtjevu odlučuje Vlada Kantona Sarajevo rješenjem.

**Član 6.**

- (1) Sastanci Komisije se održavaju po potrebi i pozivu predsjednice Komisije.
- (2) Na sastancima se vodi zapisnik koji potpisuje predsjednica Komisije.

#### **Član 7.**

Za održavanje sastanaka, kao i prilikom intervjua kandidata potrebno je da prisustvuje najmanje nadpolovična većina članova Komisije.

#### **Član 8.**

(1) Komisija pregleda dokumentaciju kandidata i razmatra prijave koje su stigle u propisanom roku.

(2) Komisija provodi postupak uvažavajući principe zakonitosti, kvalitete, otvorenosti i transparentnosti, zastupljenosti pri zapošljavanju.

(3) Na osnovu principa iz stava (2) ovog člana i uslova za imenovanje Komisija sastavlja listu s užim izborom najboljih kandidata, koji se pozivaju na intervju.

(4) Kandidatima koji nisu ušli u uži izbor Komisija će poslati pisano obavještenje i pozvati ih da preuzmu dokumentaciju.

(5) Dokumentacija kandidata se cijeni savjesno i brižljivo i u tom pravcu Komisija nema potrebe utvrđivati općepoznate činjenice i činjenice čije postojanje zakon pretpostavlja.

(6) Komisija ima pravo i obavezu da u cilju pravilnog i zakonitog imenovanja, utvrdi sve činjenice i okolnosti koje su značajne za razjašnjenje stvari i na kojima treba da temelji izbor kandidata.

#### **Član 9.**

(1) Ocjenjivanje kandidata na intervjuu vrši se brojčano.

(2) Svaki član Komisije dužan je pojedinačno i brojčano ocijeniti kandidata, nakon čega se zbirom pojedinačnih ocjena svakog člana Komisije sačinjava prijedlog rang liste sa najboljim kandidatima i ista se dostavlja Vladi Kantona Sarajevo na dalji postupak.

(3) Komisija je dužna osigurati da svi kandidati koji budu dostavljeni na potvrdu ispunjavaju kriterije za imenovanje.

#### **Član 10.**

Sve akte koji proizilaze iz rada Komisije potpisuje predsjednica Komisije.

#### **Član 11.**

Izmjene i dopune ovog poslovnika vršit će se na način na koji je donesen.

#### **Član 12.**

Ovaj poslovnik stupa na snagu danom donošenja.

1. Belma Trajkov
2. Azemina Njuhović
3. Azra Ivazović
4. Željko Ler
5. Edin Mustafić